



春天春花開

臺灣四季花開，吾屋脣乜多少仔看得著四季花開个形影，對春天起事。春天春花開，學校對面，劉壽老師屋下个圖牆脣，有一頭香梅樹，逐年春天香梅樹頂綻新枝，過無幾久，生出一隻一隻个花苞，開出一蕊一蕊水紅色个花。香梅花開枝頭鬧，歸隻月个花期，當多遊客經過，就會行兼去，同靚妮妮仔个香梅花影翕下來，無就膠香梅花共下翕一張相，留做紀念。香个香梅花，輒常錫來一群一群个糖蜂仔，拈花採蜜、無閒泊杈，煞猛个身影分人看現現。

春天春花開，校園肚个花為著迎接春天个到來，也陸陸續續開出得人惜个花。杜鵑花開笑微微，白花、紅花錫來揚蝶仔黏花、跳舞；山櫻花開滿頭靚，映出背後个青山綠樹，目金金仔，看著眼前仰般打眼个風景，春風吹來，山櫻花舞，心花蕊蕊開哦！櫻花花期，前後也有一隻月，無共樣品種个櫻花相續開花，該係糖蜂仔、揚蝶仔盡歡喜个時節。在這時節，除忒櫻花，還有桃花、李花、杏花、風鈴花這兜，乜當當在該開花，春天春花開到歸南庄、通臺灣鬧洋洋。

吾屋脣个菜園，在這時節也開地當多个花。像四點根，就係人家講个幸運草，歸埔仔个青葉襯出紅啾啾仔个花，實在有靚！恁靚个花，對種菜个耕種人來講，一息就無靚。因爭四點根當賤，係講根頭項生有一點一點細細粒个仁，貼著地泥就會生出一頭一頭个四點根，愛擲愛除當費氣，係無除淨，官曾至間又生出來，佔領該當愛分菜生長个地泥！故所，種菜个人，哪有麼个心性來欣賞，該四點根个花靚，莫撼到種菜个人心糟糟就好地哪！

菜園種个菜，係講時節到咧、過老咧，也會開花。像芥藍菜，會對菜心項生出莖、綻出筍，生出白白个細花蕊。還有包心白，乜會對菜心項生出莖、綻出筍，開出黃黃个花。蘿蔔仔，也會對菜心項生出莖、綻出筍，開出紫白色个花。恁多樣个菜，開出多樣个花色，為菜園，添妝春天个氣息，再加上四點根、蝦公夾、昭和菜、烏鈕仔草花，歸隻菜園就像花園樣，還靚哪！

春天，係講屋下無種花，有閒愛去邊山花，因為在臺灣个寶島項，春天春花開，花開滿山、滿園，看著就心歡喜。大家抽問，一定愛去行春邊山花，相信大家定著會心花開。

作者：邱一帆

☆詞彙學習☆

【行兼】hang^ˇ giam^ˊ：走近。

【相續】xiong^ˊ xiug^ˊ：接連。

【當賤】dong^ˊ qien^ˊ：劣根難除。

【費氣】fi hi^ˊ：費心力。

【官曾至間】mang^ˇ qien^ˇ zii gien^ˊ：未到時候。

【心性】xim^ˊ xiang^ˊ：心情。

【心糟糟】xim^ˊ zo^ˊ zo^ˊ：心煩意亂。

【過老】go lo^ˊ：過期老化。

【蝦公夾】ha^ˇ gung^ˊ giab^ˊ：咸豐草。

【烏鈕仔草】vu^ˊ neu^ˊ e^ˇ co^ˊ：龍葵。